

Broj: 01-01.3-4302-11/19 MA
Datum: 06.02.2020.godine

Na osnovu člana 70. stav (3) Zakona o javnim nabavkama ("Službeni glasnik BiH", broj 39/14), člana 15. Pravilnika o javnim nabavkama JP Autoceste FBiH d.o.o. Mostar, broj: NO-1.01-724-11/15 od 24.02.2015. godine i NO 1.01-3309-3/19 od 26.07.2019. godine, i preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-4302-10/19 MA od 28.01.2020. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi slijedeću:

ODLUKU o izboru najpovoljnijeg ponuđača

I

Ugovor za nabavku usluga „Izrada projekta za mjerenje visine vozila na autocesti A1“ u vrijednosti od 28.665,00 KM sa uračunatim PDV-om dodjeljuje se ponuđaču **Institut za saobraćaj i komunikacije d.o.o. Sarajevo**, IDB 4200766310005, sa registrovanim sjedištem u ulici Zmaja od Bosne 7, Sarajevo, koji je dostavio prihvatljivu ponudu sa najnižom cijenom.

II

Ugovor se zaključuje nakon provedenog konkurentskog zahtjeva za dostavljanje ponuda za koji je dana 05.12.2019. godine objavljeno Obavještenje o nabavci, broj: 266-7-2-313-3-211/19 na Portalu javnih nabavki. U provedenom postupku zaprimljene su 2 (dvije) ponude, i to ponuđača: IPSA INSTITUT d.o.o. Sarajevo i Institut za saobraćaj i komunikacije d.o.o. Sarajevo. Ponude oba ponuđača su prihvatljive, odnosno ispunjavaju sve uslove i zahtjeve propisane tenderskom dokumentacijom.

III

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 18. i 88. Zakona pokrenulo konkurentski zahtjev za dostavljanje ponuda, broj: 01-01.3-4302/19 MA za nabavku usluga: „Izrada projekta za mjerenje visine vozila na autocesti A1“. Na Portalu javnih nabavki objavljeno je Obavještenje o nabavci, broj: 266-7-2-313-3-211/19 dana 05.12.2019. godine. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 20.12.2019. godine u 10:30 sati u prostorijama JP Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19, Sarajevo, što je



konstatovano u Zapisniku o otvaranju ponuda, u skladu sa Zakonom. Komisija je na javnom otvaranju ponuda konstatovala da su ponudu blagovremeno predala 2 (dva) ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno preporuci Komisije za javne nabavke datoj u Zapisniku o pregledu i ocjeni ponuda, broj: 01-01.3-4302-10/19 MA od 28.01.2020. godine, ugovor za nabavku usluga „Izrada projekta za mjerenje visine vozila na autocesti A1“ u vrijednosti od 28.665,00 KM sa uračunatim PDV-om dodjeljuje se ponuđaču Institut za saobraćaj i komunikacije d.o.o. Sarajevo, IDB 4200766310005, sa registrovanim sjedištem u ulici Zmaja od Bosne 7, Sarajevo, koji je dostavio prihvatljivu ponudu sa najnižom cijenom.

Ponuda ponuđača IPISA INSTITUT d.o.o. Sarajevo je ocijenjena kao prihvatljiva ali je cijena ponude veća od cijene ponude ponuđača Institut za saobraćaj i komunikacije d.o.o. Sarajevo, a kako je kriterij za dodjelu ugovora „najniža cijena“, komisija je dala preporuku da se ugovor dodijeli ponuđaču čija ponuda je prihvatljiva i koji je ponudio najnižu cijenu.

Shodno naprijed navedenom, ugovorni organ je prihvatio preporuku Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dipl.ing.saob.

direktor:

.....
Adnan Terzić, dipl.ing.

Dostaviti:

- Ponuđačima koji su dostavili ponudu,
- a/a.



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 338690229656549
Registровано u Općinskom sudu u Mostaru, MBS 58-01-0179-10

P.

Broj: 01-01.3-4302-10/19 MA

Datum: 28.01.2020. godine

U skladu sa članom 65. Zakona o javnim nabavkama („Službeni glasnik BiH“, broj 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP Autoceste FBiH d.o.o. Mostar, br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine, Komisija za nabavke imenovana Rješenjem, broj: 01-01.3-4302-2/19 MA od 16.12.2019. godine, sačinjava:

ZAPISNIK O PREGLEDU I OCJENI PONUDA u otvorenom postupku

- Naziv i sjedište ugovornog organa:** JP Autoceste FBiH d.o.o. Mostar;
- Predmet nabavke:** Nabavka usluga: „Izrada projekta za mjerenje visine vozila na autocesti A1“;
- Evidencijski broj nabavke:** 01-01.3-4302/19 MA;
- Vrsta postupka javne nabavke:** Konkurentski zahtjev za dostavu ponuda;
- Procijenjena vrijednost nabavke:** 25.000,00 KM bez uključenog PDV-a;
- Broj obavještenja o nabavci sa Portala javnih nabavki:** Obavještenje o nabavci, broj: 266-7-2-313-3-211/19 objavljeno dana 05.12.2019. godine;
- Datum početka pregleda i ocjene ponuda:** Komisija za nabavke je počela da pregleda ponude dana 10.01.2019. godine;
- Naziv i sjedište svih ponuđača, prema redoslijedu zaprimanja ponuda:** Komisija za nabavke za predmetni postupak je utvrdila da su do krajnjeg roka za dostavljanje ponuda blagovremeno zaprimljene 2 (dvije) ponude i to slijedećih ponuđača:
 - IPSA INSTITUT d.o.o. Sarajevo**, zaprimljena 20.12.2019. godine u 09:01 sati, sa ukupnom ponuđenom cijenom u iznosu od 24.900,00 KM bez uključenog PDV-a, odnosno 29.133,00 KM sa uključenim PDV-om;
 - Institut za saobraćaj i komunikacije d.o.o. Sarajevo**, zaprimljena 20.12.2019. godine u 09:40 sati, sa ukupnom ponuđenom cijenom u iznosu od 24.500,00 KM bez uključenog PDV-a, odnosno 28.665,00 KM sa uključenim PDV-om.
- Podaci o pojašnjenju dokumenata u skladu sa članom 68. stav (3) Zakona, ako ih je bilo:** Komisija za nabavke je prilikom pregleda ponuda ustanovila da je u ponudi ponuđača **Institut za saobraćaj i komunikacije d.o.o. Sarajevo** dostavljen spisak izvršenih ugovora odnosno Referenc lista urađenih istih ili sličnih projekata u posljednje 3 (tri) godine, broj: 01-681/19 od 19.12.2019. godine, u kojoj je naveden ugovor „Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva“, te je, između ostalih potvrda, dostavljena i Potvrda, broj: 01-09-2611-10/2019 od 23.08.2019. godine koju je izdao Fond za zaštitu okoliša Federacije BiH, koja se odnosi na predmetni ugovor. Iz navedenih dokumenata, odnosno naziva ugovora, komisija za nabavke nije mogla utvrditi da li se u konkretnom slučaju radilo o uslugama projektovanja, kako je zahtijevano uslovom iz tačke 2.3.1 a) tenderske dokumentacije. Stoga je ponuđaču **Institut za**



CIPS
CORPORATE
CERTIFICATION

saobraćaj i komunikacije d.o.o. Sarajevo, u skladu sa članom 68. stav (3) Zakona, upućen zahtjev za pojašnjenje, akt broj: 01-01.3-4302-6/19 MA od 13.01.2019. godine, koji je u prilogu ovog Zapisnika. Po navedenom zahtjevu je ponuđač **Institut za saobraćaj i komunikacije d.o.o. Sarajevo** dostavio odgovor, akt broj: 01-35/20 od 22.01.2020. godine, koji je u prilogu ovog Zapisnika. S obzirom da je u odgovoru, odnosno pojašnjenju, ponuđač **Institut za saobraćaj i komunikacije d.o.o. Sarajevo** naveo da je ugovor „Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva“ podrazumijevao studiju u čijem radu je učestvovalo 4 doktora nauka (saobraćajne i elektro struke) i 5 diplomiranih inženjera (saobraćajne i elektro struke), te da je ista podrazumijevala i usluge projektovanja, komisija za nabavke je ocijenila da je dostavljenim dokumentima i pojašnjenjem ponuđač dokazao ispunjenost uslova iz tačke 2.3.1 a) tenderske dokumentacije koji glasi: „uspješno iskustvo u realizaciji najmanje 1 (jednog) a najviše 2 (dva) ugovora, čiji je predmet isti ili sličan uslugama koje su predmet nabavke (usluge projektovanja), minimalne, u slučaju 2 (dva) ugovora zbirne, vrijednosti od 25.000,00 KM, u prethodne 3 (tri) godine, ili od datuma registracije, odnosno početka poslovanja, ako je ponuđač registovan, odnosno počeo s radom prije manje od 3 (tri) godine”.

10. **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** U zaprimljenim ponudama nisu uočene ispravke;
11. **Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača:**

RB	ANALIZA, PREGLED I OCJENA PONUDA	NAZIV PONUĐAČA	
	„Izrada projekta za mjerenje visine vozila na autocesti A1“	IPSA INSTITUT d.o.o. Sarajevo	Institut za saobraćaj i komunikacije d.o.o. Sarajevo
a)	Kvalifikacioni uslovi:		
1.	<p>Lična sposobnost - kvalifikacija prema članu 45. ZJN:</p> <p>USLOV: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog</p>		



Identifikacijski broj 4227691540005 PDV broj 227691540005
 Glavni račun: Union banka Sarajevo 1020010000014039
 Transakcijski račun: Raiffeisen bank dd Sarajevo, glavna filijala Mostar 1610200062470038
 Federalna taksa za korištenje autoceste: 1610200062470232 i 3386902296565422
 Naknada za korištenje cestovnog zemljišta: 1610200062470135 i 3386902296565459
 Registrovano u Općinskom sudu u Mostaru, MBS 58-01-0179-10

A

	<p>osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;</p> <p>DOKAZ: U svrhu ispunjavanja uslova iz prethodne tačke ponuđači trebaju uz ponudu dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 2.1.1 od a) do d) ove tenderske dokumentacije. Izjava se dostavlja u formi utvrđenoj Aneksom 5 ove tenderske dokumentacije;</p>	+*	+
2.	<p>Sposobnost obavljanja profesionalne djelatnosti:</p> <p>USLOV: U pogledu sposobnosti obavljanja profesionalne djelatnosti, ponuđači moraju biti registrovani za obavljanje djelatnosti koja je predmet nabavke.</p> <p>DOKAZ: U svrhu dokazivanja sposobnosti obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originalni ili ovjerene kopije.</p>	+	+



CIPS
CORPORATE
CERTIFICATION

Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 | 3386902296565422
Naknada za korištenje cestovnog zemljišta: 1610200062470135 | 3386902296564549
Registrovano u Općinskom sudu u Mostaru, MBS 58-01-0179-10

B

3.	<p>Tehnička i profesionalna sposobnost</p> <p>USLOVI:</p> <p>Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi dokazima iz člana 50. Zakona, i to:</p> <p>a) uspješno iskustvo u realizaciji najmanje 1 (jednog) a najviše 2 (dva) ugovora, čiji je predmet isti ili sličan uslugama koje su predmet nabavke (usluge projektovanja), minimalne, u slučaju 2 (dva) ugovora zbirne, vrijednosti od 25.000,00 KM, u prethodne 3 (tri) godine, ili od datuma registracije, odnosno početka poslovanja, ako je ponuđač registovan, odnosno počeo s radom prije manje od 3 (tri) godine;</p> <p>b) da na raspolaganju imaju projektantski tim inženjera za pružanje predmetnih usluga, i to minimalno:</p> <ul style="list-style-type: none"> - 1 (jedan) diplomirani inženjer saobraćaja, sa položenim stručnim ispitom, te sa najmanje 5 (pet) godina radnog iskustva u struci; - 1 (jedan) diplomirani inženjer elektrotehnike, sa položenim stručnim ispitom, te sa najmanje 5 (pet) godina radnog iskustva u struci; <p>DOKAZI:</p> <p>Ocjena tehničke i profesionalne sposobnosti ponuđača će se izvršiti na osnovu slijedećih dokaza:</p> <p>a) spisak izvršenih ugovora o pružanju usluga čiji je predmet isti ili sličan uslugama koje su predmet nabavke (usluge projektovanja) u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 3 (tri) godine. Iz spiska izvršenih ugovora mora biti vidljivo da je ponuđač uspješno realizovao najmanje 1 (jedan), a najviše 2 (dva) ugovora čiji je predmet isti ili sličan uslugama koje su predmet nabavke (usluge projektovanja), minimalne, u slučaju 2 (dva) ugovora zbirne, vrijednosti od 25.000,00 KM, u prethodne 3 (tri) godine.</p> <p>Uz spisak izvršenih ugovora ponuđač je dužan dostaviti potvrdu o uspješnoj realizaciji najmanje 1 (jednog), a najviše 2 (dva) ugovora minimalne, u slučaju 2 (dva) ugovora zbirne, vrijednosti od 25.000,00 KM, čiji je predmet isti ili sličan uslugama koje su predmet nabavke (usluge projektovanja), koju je izdao krajnji korisnik – naručilac, u prethodne 3 (tri) godine. Navedena potvrda obavezno sadrži: naziv i sjedište ugovornih strana ili privrednih subjekata, predmet</p>		
----	---	--	--



	<p>ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predložene dokaza o učinjenim pokušajima da se takva potvrda obezbjedi.</p> <p>b) Izjava ponuđača (Aneks 7 ove tenderske dokumentacije) kojom potvrđuje da na raspolaganju ima obezbijeđen projektantski tim inženjera.</p> <p>U prilogu Izjave ponuđač je dužan dostaviti:</p> <ul style="list-style-type: none"> - spisak članova projektantskog tima inženjera; - diplome za predložene članove projektantskog tima inženjera; - dokaz o položenom stručnom ispitu za predložene članove projektantskog tima inženjera; - potvrdu/uvjerenje da predloženi član projektantskog tima inženjera ima najmanje 5 (pet) godina radnog iskustva u struci, kako je zahtijevano tačkom 7.3.2 b) tenderske dokumentacije, za oba člana projektantskog tima inženjera. Potvrdu/uvjerenje izdaje poslodavac/poslodavci kod kojeg je stečeno zahtijevano radno iskustvo u struci. 	+	
		+	+
		+	+
		+	+
		+	+
4.	Izjava o ispunjenosti uslova iz člana 52. Zakona koja je data u Aneksu 8 ili 8.1 tenderske dokumentacije	+	+
b)	Ispunjenost uslova u pogledu dostavljanja svih potrebnih dokumenata prema sadržaju ponude:		
1.	Popunjen Obrazac za ponudu koji je dat u Aneksu 2 tenderske dokumentacije	+	+
2.	Popunjen Obrazac za cijenu ponude za okvirni sporazum koji je dat u Aneksu 3 tenderske dokumentacije	+	+
3.	Popunjen Obrazac povjerljivih informacija koji je dat u Aneksu 4 tenderske dokumentacije (ukoliko ih ponuđač ima)	+	+
4.	Izjava o ispunjenosti uslova iz člana 45. Zakona koja je data u Aneksu 5 tenderske dokumentacije	++	+
5.	Potpisan Nacrt ugovora koji je dat u Aneksu 6 tenderske dokumentacije	+	+
6.	Izjava o ispunjenosti uslova iz člana 50. Zakona koja je data u Aneksu 7 tenderske dokumentacije	+	+
7.	Parafiran Projektni zadatak koji je dat u Aneksu 9 tenderske dokumentacije	+	+
8.	Izjava o ispunjavanju uslova za primjenu preferencijalnog tretmana domaćeg data u okviru Aneksa 2 tenderske dokumentacije	+	+
9.	Izjava o zajedničkoj ponudi sa navodima o solidarnoj odgovornosti članova grupe ponuđača (ukoliko ponudu dostavlja grupa ponuđača)	n.p.	n.p.
10.	Izjava o namjeri podugovaranja (ukoliko ponuđač ima namjeru dio ugovora prenijeti na treća lica),	+++	+++



	data u okviru Aneksa 2 tenderske dokumentacije;		
11.	Popis dokumentacije koja je priložena uz ponudu	+	+
c)	Prikaz prihvatljivosti ponuda prema obliku sadržaju i potpunosti		
1.	Cjelovitost ponude	+	+
2.	Uvezana u cjelinu /knjiga, obezbjeđena jemstvenikom/	+	+
3.	Ponuda napisana neizbrisivom tintom	+	+
4.	Pravilno numerisana ponuda	+	+
5.	Ponuda napisana na jednom od službenih jezika u BiH	+	+
6.	Ispravke u ponudi	n.p.	n.p.
7.	Računske greške	n.p.	+
8.	Izmjene/dopune ponude i odustajanje od ponude	n.p.	n.p.
9.	Ponuda potpisana od strane ovlaštene osobe	+	+
10.	Dostavljena kopija ponude	+	+
	PRIHVATLJIVOST PONUDE da/ne	+	+

Napomena: (+) u skladu sa tenderskom dokumentacijom **zadovoljava**; (-) nije u skladu sa tenderskom dokumentacijom **ne zadovoljava**;

(*) uz Izjavu, ponuđač dostavio dokaze o ispunjavanju uslova iz člana 45. st. (1) tač. a) do d) Zakona;

(**) zahtijevano pojašnjenje u skladu sa članom 68. stav (3) Zakona;

(***) ponuđač nije izrazio namjeru podugovaranja;

(n.p.) nije primjenjivo.

12. **Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje:** Nema ponuđača čije ponude se odbijaju;
13. **Prikaz traženih i dostavljenih garancija za ozbiljnost ponude:** Nije zahtijevana garancija za ozbiljnost ponude;
14. **Podaci o pojašnjenju ponuda:** Pogledati tačku 9. ovog Zapisnika;
15. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude uredno zapakovane, obrasci popunjeni, cijene upoređene u obrascima Aneks 2 i Aneks 3 su identične;
16. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
17. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljene ponude ispunjavaju sve postavljene zahtjeve u pogledu tehničkih specifikacija, odnosno oba ponuđača su dostavila parafiran Projektni zadatak (Aneks 9 tenderske dokumentacije);
18. **Podaci o ispravkama računskih grešaka u ponudama ako ih je bilo:** Prilikom računске kontrole ponuda, u ponudi ponuđača **Institut za saobraćaj i komunikacije d.o.o. Sarajevo** uočena je računska greška te je ugovorni organ od navedenog ponuđača zahtijevao saglasnost za ispravku računске greške u ponudi, akt broj: 01-01.3-4302-7/19 MA od 13.01.2020. godine, koji je u prilogu ovog Zapisnika. Ponuđač **Institut za saobraćaj i komunikacije d.o.o. Sarajevo** je dostavio Saglasnost za ispravku računске greške, akt broj: 01-36/20 od 22.01.2020. godine, koji je u prilogu ovog Zapisnika;



P

19. **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nema ponuđača čije ponude se odbijaju;
20. **Razlozi za odbijanje ponude zbog neprirodno niske cijene:** Nije primjenjivo;

Analiza prihvatljivih ponuda prema kriteriju za izbor ponude: U skladu sa članom 64. Zakona, te tačkom 8.1 tenderske dokumentacije, kriterij za dodjelu ugovora je: „najniža cijena“, odnosno ugovor se dodjeljuje ponuđaču koji je dostavio prihvatljivu ponudu sa najnižom cijenom.

Budući da su ponude oba ponuđača: **IPSA INSTITUT d.o.o. Sarajevo** i **Institut za saobraćaj i komunikacije d.o.o. Sarajevo** prihvatljive, odnosno da ispunjavaju sve kvalifikacione, kao i ostale uslove propisane tenderskom dokumentacijom, te su dostavljeni svi dokazi propisani tenderskom dokumentacijom, na propisan način, Komisija za javne nabavke daje preporuku da se ugovor za predmetnu nabavku dodijeli ponuđaču **Institut za saobraćaj i komunikacije d.o.o. Sarajevo** koji je ponudio najnižu cijenu za nabavku usluga „Izrada projekta za mjerenje visine vozila na autocesti A1“, sa ukupnom ponuđenom cijenom **28.665,00 KM** sa uključenim PDV-om.

21. **Rangiranje prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“:

Redni broj	Naziv ponuđača	Cijena bez PDV-a (KM)	Popust	PDV (17%) (KM)	Ukupna cijena sa PDV-om (KM)
1.	Institut za saobraćaj i komunikacije d.o.o. Sarajevo	24.500,00	-	4.165,00	28.665,00
2.	IPSA INSTITUT d.o.o. Sarajevo	24.900,00	-	4.233,00	29.133,00

22. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Institut za saobraćaj i komunikacije d.o.o. Sarajevo, IDB 4200766310005, sa registrovanim sjedištem u ulici Zmaja od Bosne 7, Sarajevo, iz razloga što je jedini dostavio prihvatljivu ponudu sa najnižom cijenom;
23. **Podaci o dijelu ugovora koji se daje u podugovor i podatke o podizvođaču:** Izabrani ponuđač nije izrazio namjeru podugovaranja;
24. **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Izabrani ponuđač Institut za saobraćaj i komunikacije d.o.o. Sarajevo je dužan, u skladu sa tačkom 2.1.3 tenderske dokumentacije, u roku od 3 (tri) dana od dana prijema Odluke o izboru najpovoljnijeg ponuđača dostaviti dokumente kojim dokazuje ispunjavanje uslova lične sposobnosti iz člana 45. Zakona, u originalu ili ovjerenoj kopiji, a za koje je u ponudi dostavio Izjavu o ispunjenosti uslova iz člana 45. stav (1) tač. od a) do d) Zakona o javnim nabavkama. Dokumenti ne mogu biti stariji od 3 (tri) mjeseca računajući od dana dostavljanja ponude.

Napomena: Shodno obaveštenju Agencije za javne nabavke Bosne i Hercegovine, datim prema pojašnjenju od strane Suda Bosne i Hercegovine u aktu od 21.05.2019. godine u cilju urednosti/prihvatljivosti ponuda, ponuđač kojem bude dodjeljen ugovor je obavezan da, u smislu odredbi člana 45. stav (1) tačka a) Zakona, u vezi sa stavom (2) tačka a) istog člana Zakona, kumulativno dostavi Uvjerenje/Potvrdu Suda BiH i Uvjerenje/Potvrdu suda prema sjedištu pravnog lica, odnosno ponuđača iz kojeg je vidljivo da mu u krivičnom postupku nije izrečena



pravosnažna presuda kojom je osuđen za krivična djela organizovanog kriminala, korupcije, prevare ili pranja novca.

Napomena: U slučaju da su dokumenti izdati nakon datuma predaje ponude, u njima mora biti jasno navedeno da je ponuđač traženi uslov ispunjavao na dan predaje ponuda. U slučaju da se takvi dokumenti ne mogu obezbijediti iz objektivnih razloga na koje ne utiče ponuđač, ponuđač je obavezan dostaviti dokaze o učinjenim pokušajima da se takve potvrde obezbijede kao i dokumente koje im je nadležni organ izdao na osnovu zahtjeva.

Ako izabrani ponuđač u navedenom roku ne dostavi sve tražene originale ili ovjerene kopije dokumenata i/ili ne dokaže da ispunjava uslove koje je odredio ugovorni organ, sa navedenim ponuđačem se neće zaključiti ugovor.

25. **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog direktoru Javnog preduzeća Autoceste Federacije Bosne i Hercegovine društvo sa ograničenom odgovornošću Mostar da donese Odluku o izboru kojom se ugovor za nabavku usluga: „Izrada projekta za mjerenje visine vozila na autocesti A1“ u ukupnoj vrijednosti od **28.665,00 KM** sa uključenim PDV-om, dodjeljuje ponuđaču **Institut za saobraćaj i komunikacije d.o.o. Sarajevo**, IDB 4200766310005, sa registrovanim sjedištem u ulici Zmaja od Bosne 7, Sarajevo, iz razloga što je dostavio prihvatljivu ponudu sa najnižom cijenom;
26. **Datum završetka postupka pregleda i ocjene ponuda:** Komisija je završila pregled i ocjenu ponuda dana 28.01.2020. godine;
27. **Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Melika Alajbegović – predsjednik Komisije

Amra Kahrmanović – član Komisije

Amel Zulum – član Komisije

28. **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

- Zahtjev za pojašnjenje dokumenata, akt broj: 01-01.3-4302-6/19 od 13.01.2020. godine,
- Odgovor na zahtjev za pojašnjenje, akt broj: 01-35/20 od 22.01.2020,
- Saglasnost za ispravku računске greške u ponudi, akt broj: 01-01.3-4302-7/19 MA od 13.01.2020. godine,
- Saglasnost za ispravku računске greške, akt broj: 01-36/20 od 22.01.2020. godine.

Saglasan:

Adnan Terzić, dipl.ing.



Broj: 01-01.3-4302-6/19 MA
Datum: 13.01.2020.godine

Za: **Institut za sobračaj i komunikacije d.o.o. Sarajevo**
Ulica Zmaja od Bosne broj 7
71000 Sarajevo
Fax: +387 33 408 834
e-mail: info@isik.ba

PREDMET: Zahtjev za pojašnjenje dokumenata dostavljenih u konkurentskom zahtjevu za dostavu ponuda za javnu nabavku usluga „Izrada projekta za mjerenje visine vozila na autocesti A1“

Poštovani,

Na osnovu člana 68. stav (3) Zakona o javnim nabavkama („Službeni glasnik BiH“, broj: 39/14) – u daljem tekstu: Zakon, pozivamo vas da pojasnite dokumente koji ste dostavili u ponudi broj: 01-682/19 od 20.12.2019. godine u konkurentskom zahtjevu za dostavu ponuda za javnu nabavku usluga „Izrada projekta za mjerenje visine vozila na autocesti A1“ koji provodi ugovorni organ JP Autoceste FBiH d.o.o. Mostar. **Traženo pojašnjenje potrebno je dostaviti najkasnije u roku od 3 (tri) dana od dana prijema ovog Zahtjeva**, na faks broj +387 33 277 942.

Naime, kao dokaz tehničke i profesionalne sposobnosti ponuđača, odnosno ispunjavanja uslova iz tačke 2.3.1 a) tenderske dokumentacije koji glasi:

“ a) uspješno iskustvo u realizaciji najmanje 1 (jednog) a najviše 2 (dva) ugovora, čiji je predmet isti ili sličan uslugama koje su predmet nabavke (usluge projektovanja), minimalne, u slučaju 2 (dva) ugovora zbirne, vrijednosti od 25.000,00 KM, u prethodne 3 (tri) godine, ili od datuma registracije, odnosno početka poslovanja, ako je ponuđač registovan, odnosno počeo s radom prije manje od 3 (tri) godine”

dostavili ste Referenc listu urađenih istih ili sličnih projekata u posljednje 3 godine, te pored ostalih potvrda i Potvrdu, broj: 01-09-2611-10/2019 od 23.08.2019. godine koju je izdao Fond za zaštitu okoliša Federacije BiH.

U Referenc listi urađenih istih ili sličnih projekata u posljednje 3 godine naveden je ugovor „Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva“, dok je u Potvrdi, broj: 01-09-2611-10/2019 od 23.08.2019. godine navedeno je „*da je Institut za sobračaj i komunikacije uspješno realizovao ugovorene obaveze u okviru projekta „Integracija vozila na električni pogon (elektromobila) u*



elektroenergetski sistem i njihov uticaj na poboljšanje kvaliteta zraka dijela grada Sarajeva“ broj ugovora: 01-09-2-1336/2017 zaključen u Sarajevu 18.04.2017. godine, u vrijednosti do 50.000,00“.

Dakle, iz dostavljene dokumentacije, odnosno naziva ugovora ne može se utvrditi da li se u konkretnom slučaju radi o uslugama projektovanja, kako je zahtijevano uslovom iz tačke 2.3.1 a) tenderske dokumentacije.

Imajući u vidu naprijed navedeno, molimo vas da pojasnite da li je realizacija ugovora „Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva“ podrazumijevala usluge projektovanja ili ne?

U prilogu ovog akta dostavljamo vam stranice vaše ponude na kojima su navedeni dokumenti koje je potrebno pojasniti (strane 13 i 14 ponude).

Direktor

Adnan Terzić, dipl.ing.

Prilog: - kao u tekstu.



CIPS
CORPORATE
CERTIFICATION

Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registrovano u Općinskom sudu u Mostaru, MBS 58-01-0179-10

Handwritten mark

roj: 01-681/19
atum: 19.12.2019.

predmet: Referenc lista urađenih istih ili sličnih projekata u posljednje 3 godine

R. br	Nazivi i sjedište naručioca	Predmet ugovora	Vrijednost ugovora sa PDV-om	Vrijeme i mjesto izvršenja ugovora
1.	Fond za zaštitu okoliša Federacije BiH	Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva	50.000,00 KM	2017. godina Federacija BiH
2.	Ministarstvo saobraćaja Direkcija za puteve KS	Elaborat brojanja saobraćaja na XII-transferzali u Brijesću	6.926,40 KM	2016. godine Kanton Sarajevo
3.	JP Autoceste FBiH d.o.o.	Saobraćajni projekat (elaborat) vođenja saobraćaja na autocesti A1	4.621,50 KM	2016. godina Federacija BiH
4.	JP Autoceste FBiH d.o.o.	Projekat saobraćajno - tehničke opreme za poboljšanje sigurnosnih elemenata na autocesti i u tunelima	6.376,50 KM	2017. godina Federacija BiH
5.	Općina Jajce	Izrada elaborata smirivanja saobraćaja u blizini osnovnih škola i vrtića na području općine Jajce	6.903,00 KM	2018. godina Općina Jajce
6.	Općina Vogošća	Elaborat provjere ograničenja nosivosti i osovinskog opterećenja na novorekonstruisanim lokalnim cestama na području općine Vogošća	6.961,50 KM	2017. godina Općina Vogošća
7.	Općina Novo Sarajevo	Izrada Elaborata za postavljanje usporivača brzine kretanja vozila	6.786,00 KM	2019. godina Općina Novo Sarajevo

g: Potvrde



Ovlašteno lice

Adnan Tatarević
Adnan Tatarević, MA - dipl. ing saobr.

INSTITUT ZA SAOBRAĆAJ I KOMUNIKACIJE d.o.o. Sarajevo
Zmaja od Bosne 7, 71000 SARAJEVO, Bosna i Hercegovina
+387 33 408830 Fax: +387 33 408 834, e-mail: info@isik.ba, www.isik.ba
+387 33 40766310005; PDV: 200766310005

računi: 1413065320142280 BBI Banka d.d. Sarajevo; 1020500000065182 Union Banka d.d. Sarajevo

Adnan Tatarević

13

Broj: 01-09-2611/2019
Sarajevo, 23.08.2019.

U skladu sa molbom Instituta za saobraćaj i komunikacije d.o.o. Sarajevo, ul. Zmaja od Bosne br.7, 71000 Sarajevo, Fond za zaštitu okoliša FBiH izdaje slijedeću

POTVRDU

kojom se potvrđuje da je Institut za saobraćaj i komunikacije d.o.o. Sarajevo uspješno i blagovremeno realizovao ugovorene obaveze u okviru projekta „Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva“ broj ugovora: 01-09-2-1336/2017 zaključen u Sarajevu 18.04.2017. godine, u vrijednosti do 50.000,00KM.

Potvrda se izdaje u svrhu učešća na tenderu i u druge svrhe se ne može koristiti.

Dostaviti:
- naslovu
- a/a

Fond za zaštitu okoliša Federacije BiH

dr. sci. oec. Fuad Čibukčić, direktor



Broj: 01-01.3-4302-7/19 MA
Datum: 13.01.2020.godine

Za: **Institut za sobračaj i komunikacije d.o.o. Sarajevo**
Ulica Zmaja od Bosne broj 7
71000 Sarajevo
Fax: +387 33 408 834
e-mail: info@isik.ba


PREDMET: Saglasnost za ispravku računске greške u ponudi, traži se

Poštovani,

Prilikom računске kontrole vaše ponude u konkurentskom zahtjevu za dostavu ponuda za nabavku usluga: „Izrada projekta za mjerenje visine vozila na autocesti A1“ uočili smo računsku grešku.

Naime, na stranici broj 3 ponude, u Obrascu za ponudu došlo je do greške u sabiranju, pa je za poziciju „Ukupna cijena sa uključenim PDV-om i popustom“ naveden iznos 28.655,00 KM umjesto 28.665,00 KM, što je iznos koji se dobije sabiranjem vaše cijene ponude sa iznosom PDV-a.

Molimo da u skladu sa članom 17. Uputstva za pripremu modela standardne tenderske dokumentacije i ponuda („Službeni glasnik BiH“, broj: 90/14 i 20/15), date saglasnost za ispravku računске greške u skladu sa naprijed navedenim, **najkasnije u roku od 3 (tri) dana od dana prijema ovog dopisa**, na faks broj +387 33 277 942.

Direktor

Adnan Terzić, dipl.ing.

Prilog:

- kopija stranice ponude sa izvršenom ispravkom cijene.



P

IZJAVA PONUĐAČA

U postupku javne nabavke koju ste pokrenuli i koja je objavljena na Portalu javnih nabavki, broj obavještenja o nabavci: 266-7-2-313-3-211/19 dana 05.12.2019. godine, dostavljamo vam ponudu i izjavljujemo slijedeće:

1. U skladu sa sadržajem i zahtjevima tenderske dokumentacije broj: 01-01.3-4302-1/19 MA, ovom izjavom prihvatamo njene odredbe u potpunosti, bez ikakvih rezervi ili ograničenja.
2. Ovom ponudom odgovaramo zahtjevima iz tenderske dokumentacije za isporuku roba, u skladu sa uslovima utvrđenim u tenderskoj dokumentaciji, kriterijima i utvrđenim rokovima, bez ikakvih rezervi ili ograničenja.

1. Cijena naše ponude za LOT 1 (bez PDV-a i popusta) je:	24.500,00	KM.
Popust koji dajemo na cijenu ponude u iznosu od <u> 0 </u> % ili <u> 0 </u>		KM,
tako da cijena ponude sa popustom i bez PDV-a iznosi:	24.500,00	KM.
PDV na cijenu ponude sa popustom iznosi:	4.165,00	KM
Ukupna cijena sa uključenim PDV-om i popustom je:	28.655,00 28.665,00	KM.

U prilogu se nalazi Obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i Obrasca za cijenu ponude, relevantna je cijena iz Obrasca za cijenu ponude.

Napomena: Shodno članu 9. stav (7) Uputstva za pripremu modela tenderske dokumentacije i ponuda („Službeni glasnik BiH”, br. 90/14 i 20/15), ako ponuđač nije u sistemu poreza na dodatnu vrijednost, u obrascu za ponudu, na mjesto predviđeno za upis cijene ponude s porezom na dodatnu vrijednost, upisuje se isti iznos kao što je upisan na mjestu predviđenom za upis cijene ponude bez poreza na dodatnu vrijednost, a mjesto predviđeno za upis iznosa poreza na dodatnu vrijednost ostavlja se prazno.


3. U vezi sa vašim zahtjevom o ispunjavanju uslova za primjenu preferencijalnog tretmana domaćeg, izjavljujemo sljedeće (zaokružiti ono šta je tačno):

- a) Privredni subjekt koje dostavlja ovu ponudu je domaće sa sjedištem u BiH i najmanje 50% radne snage za izvršenje ovog ugovora su rezidenti iz Bosne i Hercegovine, te naša ponuda ISPUNJAVA uslove za primjenu preferencijalnog tretmana domaćeg;
- b) Grupa ponuđača koja dostavlja ovu ponudu je sastavljena od članova kojima je sjedište u zemljama potpisnicama CEFTA sporazuma i najmanje jednog člana sa sjedištem u BiH i najmanje 50 % radne snage za izvršenje ovog ugovora su rezidenti iz Bosne i Hercegovine, te naša ponuda ISPUNJAVA uslove za primjenu preferencijalnog tretmana domaćeg;
- c) Naša ponuda NE ISPUNJAVA uslove za primjenu preferencijalnog tretmana domaćeg, te se na našu ponudu ne primjenjuju odredbe o preferencijalnom tretmanu domaćeg.

Napomena: Ukoliko ponuđač ne zaokruži nijednu od gore navedenih opcija smatrati će se da ponuđač ne ispunjava uslove za primjenu preferencijalnog tretmana domaćeg.

Napomena: Ukoliko ponuđač ne zaokruži nijednu od gore navedenih opcija, smatraće se da ponuđač ne ispunjava uslove za primjenu preferencijalnog tretmana domaćeg.


4. Ova ponuda važi 90 (devedeset) dana, računajući od isteka roka za prijem ponuda tj. do 20/03/2020. godine.





Institut
za saobraćaj i komunikacije Sarajevo

Broj: 01-35/20
Datum: 22.01.2020.



JAVNO PREDUZEĆE AUTOCESTE FBiH
Ured u Sarajevu: Hamdije Kreševljakovića 19,
71000 Sarajevo
Fax: 033 277 942

Predmet: Odgovor na zahtjev za pojašnjenje

Poštovani,

u skladu s vašim zahtjevom broj 01.-01.3-4302-6/19 MA od 13.01.2020. godine kojeg smo zaprimili faxom 21.01.2020. godine, možemo potvrditi da je Institut za saobraćaj i komunikacije d.o.o. Sarajevo uradio studiju "Integracija vozila na električni pogon (elektromobila) u elektroenergetski sistem i njihov uticaj na poboljšanje kvaliteta zraka dijela grada Sarajeva" u čijem radu je učestvovalo 4 doktora nauka (saobraćajne i elektro struke) i 5 diplomiranih inženjera (saobraćajne i elektro struke), a u okviru toga potvrđujemo da se podrazumjevala i usluga projektovanja.

S poštovanjem,



direktor

Šefkija Čekić
Akademik prof. dr. Šefkija Čekić

INSTITUT ZA SAOBRAĆAJ I KOMUNIKACIJE d.o.o. Sarajevo
Ulica Zmaja od Bosne 7, 71000 SARAJEVO, Bosna i Hercegovina

Tel: +387 33 408830 Fax: +387 33 408 834, e-mail: info@isik.ba, www.isik.ba

IB: 4200766310005; PDV: 200766310005

Žiro računi: 1413065320142280 BBI Banka d.d. Sarajevo; 1020500000065182 Union Banka d.d. Sarajevo



Institut
za saobraćaj i komunikacije Sarajevo

Broj: 01-36/20
Datum: 22.01.2020.

AG Inst	Javno preduzeće	Autoceste FBiH
	Zadani broj	01-01.3-4302-9/19
Datum: 23.01.2020. god.		

JAVNO PREDUZEĆE AUTOCESTE FBiH
Ured u Sarajevu: Hamdije Kreševljakovića 19,
71000 Sarajevo
Fax: 033 277 942

Predmet: Saglasnost za ispravku računске greške

Poštovani,

u skladu s vašim obavještenjem broj 01.-01.3-4302-7/19 MA od 13.01.2020. godine kojeg smo zaprimili faxom 21.01.2020. godine, **dajemo saglasnost** na ispravku računске greške kako ste naveli.

S poštovanjem,

 **Direktor**
Sefkija Čekić
Academik Prof. dr. Sefkija Čekić

INSTITUT ZA SAOBRAĆAJ I KOMUNIKACIJE d.o.o. Sarajevo
Ulica Zmaja od Bosne 7, 71000 SARAJEVO, Bosna i Hercegovina

Tel: +387 33 408830 Fax: +387 33 408 834, e mail: info@isik.ba, www.isik.ba

IB: 4200766310005; PDV: 200766310005

Žiro računi: 1413065320142280 BBI Banka d.d. Sarajevo; 1020500000065182 Union Banka d.d. Sarajevo